



# suatea

SINDICATU UNITARIU Y AUTÓNOMU DE TRABAYADORES DE LA ENSEÑANZA D'ASTURIES - C.I.F.: G33 027632  
C/ Telesforo Cuevas 2, 1ª A dcha. - 33005 - Uviéu. Tfno. 985 274 343. Fax. 985 236 464.  
E-mail: [suatea@suatea.org](mailto:suatea@suatea.org) Web: [www.suatea.org](http://www.suatea.org)

---

## ENTAMA LA CAMPAÑA DE MATRICULACIÓN

### RECORDATORIU

Dende SUATEA, ante l'entamu de la campaña de matriculación nos centros educativos, queremos recordar a la inspección educativa y a la direición de los centros que **l'asignatura de Llingua Asturiana y Gallego-Asturiano ye d'obligada ufierta** y que lo mesmo que los inspectores de los centros tienen que procurar velar pol cumplimientu de toles lleis educatives, deberíen facer lo mesmo col accesu al estudiu y conocimientu de la nuesa llingua, que ye un derechu reconocíu espresamente pola llexislación y qu'ha de ser respetáu y garantizáu.

Con esto, esperamos qu'al entamu del cursu viniente nun nos atopemos colos mesmos problemes de tolos años, por mor de nun ufiertar esta asignatura y nun respetar la Llei d'Usu.

Mentantu nun s'elimien les ratios mínimes pa la constitución de grupos, el drechu a estudiar asturianu sigue condicionáu a la escoyeta de los compañeros y compañeres d'estudios.

Sicasí, ye evidente qu'esti conflictu ñaz pola situación d'indefensión y desprotección arreyaes a la condición de non oficial de la llingua. Si queremos llograr que l'asturianu tea presente nes escueles d'Asturies en condiciones dignes y de normalidá ye necesario que se-y dea a la nuesa llingua'l rangu llegal que yá tienen el restu les llingües del Estáu: la oficialidá.

La reforma del estatutu d'Autonomía tendría que contemplar la oficialidá del asturianu y del gallego asturiano nel so ámbito pa dexar de ser una materia de segundu orden nel nuesu ordenamientu educativu.